

DIAOUL AR VRETONED

N'euz ket pell, Satan, war he benn
 Eur c'helc'h ru-tan da gurunen,
 Eur forc'h daou-vizeg da walenn,
 D'ann diaoulo gomze evel-hen :

— « C'houi holl 'zo bet gan-in kaset
 Da labourat dre greiz ar bed ;
 Tostaet aman ma klevin
 Ha labour mad 'c'h euz aozet d'in.
 Diaoul an Normandi, lavaret
 Ped ine hoc'h euz goneet ? »

— « Ma mestr, pe e c'hourc'hemennet,
 Ar wirione d'hec'h 'zo dleet :
 Poan ha poan braz a zo breman
 O kaout ineo da bakan ;
 Mar na vefe al laeronsi,
 Holl, 'vit laret, ec'h int disi ;
 Ho zroio-pleg hag ho gevier
 Na dalveont ken eun diner ;
 Bec'h 'm euz o chach hinienno
 Dre ar vewenti 'n em laso ! »

— « Ha c'houi, diaoul ar Gasconed,
 Tostaet aman ha komzet. »

— « Braouïk-brav 'ia ann treo gan-in,
 Mes gand pebez poan hag ijin !!!
 Gwech-all 'met kemer hanoio,
 Kammed goullo ma rouedo !
 'Vel-se, siouaz ! na man ken kont :
 Re a zour 'n ho gwin a lekont !
 Mar dle kement-se pad ato,
 'Vo red d'in kuitaat ar vro. »

— « Ha te, diaoul ar c'herio braz,
 Penaoz 'c'h euz groet, pe well pe waz ? »

— « Gwasoc'h 'vit gwell, hen anzav 'ran,
 N'a ken peb tra 'vel ma karan ;
 Ankoeet gant tud ar c'herio
 Ann drouk-pedenn, ar mallozio ;
 Ann ebato a dalc'h a-vad
 Da daoni an dud a-vagad ;
 Mes d'ar zul evel d'ar gouelio,
 E ve leun-tenn ann ilizo,
 Ha kement-man eo, Satan,
 'Ra d'in kounnari ar muian ».

— « Ha te, diaoul ar Vretoned,
 Ha kutuill c'houek ec'h euz-te groet ? »

— « Mestr-gwif, hen ansav a dlean,
 Kuntuill gwall-dreud ; mes 'heb ehan,
 'Labour 'vid-omp an hostijen :
 Derc'hel hepken ar wenogen !!!
 Eur breton diwar dour n'eo ket
 Eun den da bakan ken ezet ;
 Mes, pe 'neuz evet gwin-ardant,
 N'euz, neb-lec'h, den o komz ken koant :
 Neuze e had ar mallozio
 Evel ann ed enn he barko !
 Ha tridal gant joa a rafec'h
 He leou-douet mar kleofec'h ;
 A-hend-all na chelaouont ken
 Pez lavar d'he ho beleien.
 Mar pad ze eua neubeud blaio,
 'Teufont aman dre vandenno ;
 Zellet ma roll hag e welfet
 'Meuz ma lod mad a zud daonet !! »